

Txoj Kev Pom Zoo 1415R-003

(raws lis tau hloov thiab pom zoo coj los siv los ntawm the Milwaukee Board of School Director thaum Lub Rau Hli tim 19, 2014)

Los ntawm Directors Tatiana Joseph and Larry Miller

NTAWM QHOV, Milwaukee Public Schools (MPS) tab tom pom tias cov me nyuam sau npe kawm ntawv muaj coob zuj zug ntxiv uas hom lus lawv hais thib ib tsis yog lus Askiv, uas cov me nyuam kawm ntawv no muaj kwv yees li ntawm ib feem peb ntawm tag nrho cov me nyuam sau npe kawm ntawv nyob hauv koog tsev kawm ntawv (district), thiab nws muaj pov thawj ntau qhia tias qhov no yuav muaj zoo li no mus ntxiv yav tom ntej; thiab

NTAWM QHOV, Kev muaj tseeb li no tsim muaj qhov nyuaj thiab qhov zoo cib fim rau tag nrho cov me nyuam kawm ntawv thiab cov neeg laus nyob hauv MPS thiab Milwaukee lub zej zog, nyob rau lub sij hawm uas peb tab tom hloov mus ua ib lub nroog muaj neeg hais ntau hom lus thiab coj ntau hom kev hlig kev cai nyob hauv ib lub ntiaj teb uas qhov no yog qhov neeg saib rau nqi; thiab

NTAWM QHOV, Feem ntau ntawm qhov kev muaj ntau zuj zug ntawm cov tib neeg nyob hauv MPS yog cov me nyuam kawm ntawv uas yog neeg Mev, nws yog tib lub sij hawm uas cov tib neeg Mev yog pab neeg coob tshaj plawg ntawm cov neeg feem tsawg (minority) nyob hauv teb chaws Meskas thiab neeg Mev tab tom muaj coob zuj zug mus ua ib pawg neeg coob tshaj ntawm cov pawg neeg feem tsawg nyob hauv Wisconsin; thiab

NTAWM QHOV, Muaj ntau cov kev tshawb fawb thiab cov neeg kawm txog tib neeg hauv zej zog pom zoo tias, ntxiv nrog lus Askiv, lus Mev, tam sim no thiab yav tom ntej, yog thiab yuav yog ib hom lus siv ntau tshaj nyob hauv lub teb chaws no, thiab qhov siv lus Mev thiab qhov tseem ceeb ntawm siv lus Mev yog ib qho muaj zog nyob hauv lub ntiaj teb; thiab

NTAWM QHOV, Tsev qhia ntawv dawb (public school) yuav tsum tau muab kev kawm lus Askiv los ua ib qho tseem ceeb thiab yuav tsum tau muab kev txhawb rau txoj kev kawm lus Mev thiab lwm hom lus kom muaj ntau ib yam nkaus, lub sij hawm twg uas tsim nyog; thiab

NTAWM QHOV, Vim cov me nyuam kawm ntawv los kuj yuav tsum tau npaj kom lawv paub ua ib tug neeg nyob rau hauv ib co koom txoos thiab cov kev khwv noj khwv haus uas muaj kev sib tuav los ntawm txoj kev muaj nyob hauv lub ntiaj teb, tsoom fwm thiab cov koog tsev kawm ntawv yuav tsum nrhiav kom tau kev los npaj kom muaj kev txhawb rau kev kawm ntawv thiab rau cov tiam tib neeg tom ntej; thiab

NTAWM QHOV, Milwaukee yuav tsum tau hais tawm kom neeg paub tias Milwaukee yog ib lub nroog uas txhawb thiab yug tib neeg mus ua ib co neeg kawm ntawv tau zoo uas paub thiab fwm txog kev muaj neeg coj ntau hom kev hlig kev cai thiab leej twg uas hais tau ob lossis ntau hom lus; thiab

NTAWM QHOV, Koog tsev kawm ntawv txoj kev tuav kom muaj kev hais ob hom lus, kev paub ob hom lus, kev qhia ob hom lus, thiab kev paub tias muaj neeg coj ntau hom kev hlig kev cai twb yog ib co kev uas ua tau zoo heev los ua rau MPS txav mus ze cov hom phiaj zoo li ntawd lawm; tam sim no, thiaj li, kom

- POM ZOO, Tias MPS yuav tsum tsim kom muaj tej koog tsev kawm ntawv uas muab kev hais ob hom lus ua ib qho tseem ceeb los ntawm qhov tsim kev qhia lus Askiv/Mev thiab lwm hom lus thiab hais ob hom lus ua ntej nyob hauv Milwaukee phab qab teb hauv Board District 6 thiab ntxiv mus, li ob peb xyoos ntxim li siv tau, kom muaj thoob plawg nyob hauv lub nroog txog thaum MPS yog ib koog tsev kawm ntawv uas thaum cov me nyuam kawm ntawv kawm tiav lawv paub lus Askiv, lus Mev, thiab/lossis kom lawv yog ib co neeg tham lus siv tau lwm hom lus; thiab kom
- POM ZOO NTXIV, Tias tag nrho cov kev npaj rau qhov kev qhia ntawv no yuav tsum muaj kev koom tes los ntawm cov niam txiv, lub zej zog, thiab cov tib neeg thiab cov pawg neeg uas muaj kev kawm ob hom lus; thiab kom
- POM ZOO NTXIV, Tias Milwaukee Public School yuav tsum tau siv nws cov neeg thiab cov neeg sab nraum uas muaj kev kawm ob hom lus los mus qhia ntxiv thiab muab txoj kev qhia ntawv no nthuav kom dav thiab yuav tsum sib zog ua kom muaj kev kawm lwm hom lus, nrog rau cov kev qhia tag nrho cov hom lus kom muaj kev txhawb rau kev hais ob hom lus tsis txhob pub tu ncu, los mus txhim kho thiab tsim kom zoo dua qub, thiab ua kom txhua tug nkag tau yooj yim mus kawm, thiab kom
- POM ZOO NTXIV, Tias tag nrho cov ntaub ntawv siv los luj thiab ntsuas cov me nyuam kawm hauv cov kev qhia ntawv hais ob hom lus thiab qhov kev tuav kom muaj hais ob hom lus yuav tsum tsim thiab/lossis muab thiab coj los siv los ntawm MPS assessment department uas tau muaj kev tawm tswv yim nrog pawg neeg Assessment Committee uas nyuam qhuav tsa los tau tsis ntev no los ntawm Cov Neeg Tuav Dej Num Saib Tsev Kawm Ntawv, uas yuav tsum muaj cov neeg tseem ceeb uas yuav tau txais txiaj tsim los ntawm kev hais ob hom lus; thiab kom
- POM ZOO NTXIV, Tias MPS yuav tsum sab laj nrog Wisconsin Department of Public Instruction kom muaj qhov zoo raws li lawv cov cai tswj hais txog kev xeem ntawv thiab lwm yam kev ntsuas; thiab kom
- POM ZOO NTXIV, Tias kev qhia kom paub zoo, kev niam txiv koom nrog, kev tshaj tawm thiab lwm yam ntaub ntawv yuav tsum muaj los hais kom zej zog hauv Milwaukee thiab cov chaw tshaj xov xwm paub txog qhov kev qhia ntawv no uas yuav los muab Milwaukee txhawb zoo li ib lub chaw qhia ntawv uas siv kev qhia ntawv tshiab nyob rau hauv lub ntiaj teb niaj hnuv no uas muaj ntau ntau haiv neeg; thiab kom
- POM ZOO NTXIV, Tias MPS yuav tsum tsim muaj kev koom tes nrog cov tsev kawm ntawv qeb siab thiab lwm lub koom haum los mus siv cov kev qhia ntawv no uas yuav npaj kom muaj kev cob thiab qhia nyob hauv kev hais ob hom lus siv lus Mev/Askiv thiab kev tuav kom muaj hais ob hom lus thiab lwm hom lus raws li qhov tsim nyog muaj; thiab kom
- POM ZOO NTXIV, Tias MPS yuav tau ntiav cov neeg muaj ntawv hais tau ob hom lus kom coob ntxiv los ua hauj lwm nyob hauv txhua lub tsev kawm ntawv cov kev qhia ntawv siv lus Mev/Askiv thiab lwm hom lus ua ke thiab/lossis kev tuav kom muaj hais ob hom lus, nrog rau ntiav cov neeg tuav dej num saib tsev kawm ntawv uas hais ob hom lus Askiv/Mev thiab lwm hom lus los ua hauj lwm nyob rau hauv lub chaw Haum Paus Loj. MPS los kuj yuav tsum tau ntiav cov neeg pab tswv yim thiab cov neeg qhia ntawv uas hais tau ob hom lus kom muaj coob txaus; thiab kom
- POM ZOO NTXIV, Tias MPS yuav tsum tsa los ntawm Bilingual Advisory Committee ib pawg txwj laug neeg saib hauj lwm los dhia txoj kev qhia ntawv no, uas yuav tsum muaj cov xwb fwb qhia ntawv, lwm cov neeg ua hauj lwm hauv tsev kawm ntawv, cov niam txiv, thiab cov me nyuam kawm ntawv thiab yuav tsum muaj thoob plawg koog tsev kawm ntawv; thiab kom

POM ZOO NTXIV, Tias cov Neeg Tuav Dej Num Saib Tsev Kawm Ntawv yuav tsum tau pib tam sim los mus hais kom cov neeg sawv cev pej xeeb saib tsev kawm ntawv (school board members), cov tsev kawm ntawv, cov tsev kawm ntawv qeb siab, tej lam luam, cov neeg ua hauj lwm, cov MTEA, cov niam txiv, lub zej zog, thiab cov neeg paub txog kev hais ob hom lus kom lawv muaj feem nyob hauv qhov kev yuav tsim txoj kev qhia ntawv no; thiab kom

POM ZOO NTXIV, Tias MPS yuav tsum muab kev siv ntawm ib xyoo suav thaum Lub Xya Hli mus (fiscal) los siv rau txoj kev qhia ntawv no.